

周
中
丞
疏
稿

江南疏稿卷之二

臨川周孔教明行父著

屬吏祁承燾
陳以聞全校

江南水患異常隱憂巨測懇乞 大賜蠲賑

疏

為江南水患異常隱憂巨測懇乞

聖明大賜蠲恤以救災黎以固根本事臣竊念

天災流行何地無之然他地方有水旱止於一方

病耳乃東南之豐歉關係

國計之盈縮殆非細故豈止一方病而已哉夫以四海幅員之廣視東南數郡不啻黑子之着面而歲供獨天下之強半無論夏麥秋糧馬艸等項歲額甲天下即每歲轉漕

京師四百萬石而江南諸郡幾一百五十萬石就中蘇松二郡凡九十萬石有奇自兗軍外又白糧二十萬石科條百出供億繁苦故每歲雲錦盈筭分運而至為

陛下之衣者此土此民也漕艘銜尾鱗次而集為

陛下之食者此土此民也京運本折分季而進為
陛下之用者此土此民也莫非王民此邦之民乃
至苦至勞之民

皇上之孝子順孫也即使歲不告災民不稱病至
仁如

皇上必且惻然垂憐者詎意今歲突遭水患自三
月二十九日以至於五月二十四日霖雨為
災晝夜不歇翻盆倒峽湧地稽天高埠之地
已見飛檣低窪之區更如航海墻垣傾圮廬

室漂流萬井無烟千里若掃臣巡行所至目擊蘇州地方如此私心猶望他郡或者無恙也已而據應天府署印府丞衛一鳳蘇松兵糧道副使李右諫常鎮兵糧道按察使蔡獻臣徽寧兵備道右叅政劉會申報各屬水災相同是數千里之內俱成陸海據稱今歲水災父老相傳白首稀見較之嘉靖四十年間被災更慘蓋四十年有麥今則無麥四十年在成熟之後今則插蒔之時已熟之麥盡付

洪波而方芽之秧俱成腐艸不特目前已絕
春花之望即日後更無秋成之期災民日千
百為群赴臣泣訴者哭聲震地殊不忍聞此
皆臣奉職無狀上干

天和所致除痛自修省以便宜發廩賑恤外惟是
三吳之水乃百年父老所未經見之水而三
吳之民又非復昔日所稱家殷戶實之民蓋
前此雖遇災傷而民不思亂者以上無竭澤
之征而民有息肩之地辛勤節縮苟支目前

今民窮稅密家怨人愁財力俱竭公私交困
臣慮吳民少積秋冬荒長檄有司酌動官銀
前往豐鄉買穀防饑即蘇州府庫至無一錢
可動知府趙世祿且感頽對臣曰即今六七
月又該給散兵糧十萬軍餉將何所出脫巾
可虞無論織造金花一切矣其窮困急迫之
狀一至於此殊可寒心即今收拾人心消遏
亂萌惟有蠲與賑及時耳臣查嘉靖七年地
方

奏報災傷蒙

允將本年起存錢糧盡行蠲免稍輕者照依分數
勘實即便停徵或量為折徵三十三年

奏報災傷蒙

允將本年存留錢糧盡行蠲免起運額派大半改
折復將本色及三十二年以前未完起存停
徵又將

內府糧銀賑恤四十年

奏報水災蒙

允將本年兌軍糧米民運白糧盡行改折

宗人府米折并京庫州折布絹等銀俱准停徵
仍將鈔關船稅與各府引價事例等銀俱留
賑濟至萬曆十年

奏報水災蒙

允將本年起運漕糧并南京各衛倉糧改折

宗人府州折南京倉麥折全免折布并府部院
公侯祿鹽鈔等銀停徵及留關稅并各府事
例等銀賑濟萬曆拾柒年

奏報災傷蒙

允將本年起運漕糧盡數改折內停徵伍分見徵

伍分

德府祿米光祿寺白糧府部院等衙門糧米俱
准改折

宗人府等衙門派剩米折京庫鹽鈔蘇太鎮三
衛本折行月二糧鎮江倉麥折本色黃白麻
料蘇太鎮三衛軍器淺船民七料銀并南京
光祿寺衙門本折米豆絹折州折蜜糖等銀

俱准蠲免揚州鳳陽二倉米麥折免徵一半
牲口藥材料銀歲造段疋胖襖協濟馬役俱
准停徵萬曆拾陸年以前各項舊欠錢糧除
金花漕折外其餘悉准停徵又蒙

專差科臣楊文舉齎銀叁拾萬兩前來賑濟是歷
年蠲賑之事例具在而

皇仁之廣被無窮惟是蠲止存留止有虛名民不
霑實惠賑取倉廩則倉廩所積有限無能濟
於萬一此特可施之尋常之災而已今茲非

常之災傷全望非常之蠲賑故今災民皇皇
忍死以望嘉靖七年之事例不啻農之望歲
至於行賑即不敢望十七年事例大發帑金
叁拾萬

特遣科臣賑濟亦望比照歷年事例留關稅并各
府事例撫按贓罰等銀賑濟此誠

皇上浩蕩之恩亦今日災民雲霓之望也再照
國匱民窮此時為甚歲入日憂其縮臣為民而
請蠲歲出日憂其多臣為民而

請賑臣即冒昧豈不達時務至此惟是當茲邊疆
多事之時不得不亟為

根本之慮即今災傷甫告耳已見搶米於路者
雖臣已嚴法禁止即此民之思亂可知計此
時臣猶能奉

皇上之法紀竭心力之調停以維繫於馬奔獸駭
之間過此日饑一日益復無聊加之督逋日
急鞭朴益煩竊恐流亡之民力不能辦將使
蠲停之權不在上而在下况今江海之上姦

雄窺伺不少萬一登高一呼雲合響應此其
可憂臣有不忍言者臣見影得形勢誠岌岌
伏乞

皇上超然遠覽惻然深惟

勅下戶部亟行按臣查勘至日將重災地方本年
錢糧無論起存破格蠲免萬曆三十五年以
前舊欠錢糧盡數停徵又將潞野鈔銀與稅
監所抽稅銀量留一年及各府事例稅契撫
按贓罰凡可動可留等銀盡留備賑此不過

損

皇上一年之租稅易此二百年孝順之百姓不為
餓殍盜賊此其所得孰多不則不惟損今日
歲入之額臣恐且益以他日軍興之費為費
愈大為憂愈深耳臣徃徃見災傷

題疏皆設為不必然之詞以冀不必從之聽今
臣所言皆見於之實事不敢為過甚之危言
如毫涉虛臣罪當誅至於臣言已盡臣心欲
嘔倘不蒙

俞允惟有席橐待罪而已緣係江南水患異常隱
憂叵測懇乞

聖明大賜蠲恤以救災黎以固根本事理未敢擅
便為此具本專差

齋捧謹題請

旨

災黎蒙 軫遵 旨勘報疏

為災黎瀕在阨危

聖慈已蒙

軫惻謹遵

明旨據實勘報懇乞

聖明大賜蠲賑以救孑遺以固

根本事臣接邸報該戶部題奉

聖旨今歲各處水災從來罕見况留都根本關繫

匪輕這所議賑恤事宜即行南京戶部酌議停

安一面具奏給發務在委用得人民需實惠不
得以虛文冒破其蘇松等處並遭水害困苦流
離民間已竭國計曷支覽各官所奏朕甚惻然
爾部更悉心議擬作何蠲賑以拯此遺黎用瀆
累孽稱朕惠元元分災恤惠之意欽此欽遵又
接邸報內該大學士朱賡題奉

聖旨朕連日見南直隸江浙各處報災方深軫念
覽卿奏家鄉水患益用惻然便著該部行文各
該撫按官分別蠲賑毋事虛文請寬袍價量留

稅銀已知道了等因欽此隨准戶部備咨行臣
坐委風力正官逐畝踏勘要見某州縣被災
幾分應免錢糧查有何項堪以抵補如無抵
補作何措處一邑有災無災不同一里災輕
災重互異毋得輕信有司妄捏虛報等因到
臣該臣隨經牌行府道委各州縣掌印官親
詣所屬地方沿坵履畝踏勘明白今據整飭
蘇松兵備兼糧儲水利副使李右諫整飭常
鎮兵備兼糧儲水利按察使蔡獻臣各呈稱

奉臣憲牌督同四府州縣各掌印官遵照踏
勘細開分數及符應蠲應賑錢糧逐一回報
蘇松冊開太倉長洲吳縣吳江常熟崑山嘉
定華亭青浦各被災十分而吳江崑山青浦
為最上海被災八分六厘崇明被災五分夫
以百萬錢糧無所從出若不大賜非常之蠲
則不散而之四方必轉而填溝壑矣懇乞本
院代為題

前必將見年兗軍漕糧南京各衛倉糧京庫州折

折布鹽鈔

宗人府南北公侯祿濟邊米折折蠟歲造段疋
本折黃白麻芥刀輓料胖襖軍器弓箭牲口
藥材過江修河米折南京倉麥折農桑絹疋
場州揚鳳鎮米麥銀蘇太鎮運軍行月根本
折色銀米盡數蠲免馬役銀免徵五分停徵
五分京庫米麥折本色布黃白絹銀硃料本
色蠟茶菜荀府部院糙粳米折齊頭稻州南
京光祿寺蜜糖運柴腳價禮部藥材等項以

上各項盡數停徵

德府糙糧全改停徵光祿寺府部院白糙粳粳
糧南京光祿寺等衙門白熟次等粳粳糧米
全折停徵四司料價見徵五分停徵五分
內官監酒醋麪局供用庫

汝景福三府俱見徵本年關稅贓罰庫貯事例
盡數議留備賑及將三十五年未完見徵者
暫停豐年帶辦三十四年以前舊欠悉行蠲
豁及查

上用袍服原派十運已完七運未完三運其工料
價值原無正額唯以設處供應今如此災傷
更無分毫設處并乞題

請暫停一歲或照浙省事例以三大運分作六小
運庶幾寬一分民受一分之惠也至於地方
歲用廼官吏師生廩餼軍兵糧餉恤孤口糧
水夫工食抵應修船勢不得不徵而又萬無
可徵尚在本院調劑之也等因又據常鎮冊
開武進無錫江陰宜興四縣各被災十分丹

徒金壇各被災八分靖江被災六分丹陽被
災五分事勢至急若不全蠲大賑則子遺之
民有死與徙耳會計空懸催科何補近奉部
咨錢糧議蠲先查抵補此可行於平常之災
有餘之日耳在今日非大破常格必不能起
垂死之夫而責之後來之供億也伏乞本院
力為主持俯賜懇

請將三十五年以前未完錢糧酌量停徵三十六
年錢糧將正改漕糧南京各衛倉糧

宗人府派剩米折京庫鹽鈔工部箭枝靛料南
京供用庫酒醋麵局州折鎮江衛淺船料銀
京庫絲綿折絹銀南京庫麻布銀南京各衛
倉麥折南京戶部定場州折揚淮鳳三府壽
亳二州各倉麥折本府修河米折農桑絹折
牲口南京藥材胖襖歲造段麂皮等項盡行
蠲免南京光祿寺次白粳正米南京公侯伯
并府部院等衙門俸祿米折銀俱應改折鎮
江府大軍倉麥州折免五分

內官監白熟細正米白熟粳正米供用庫白熟
粳正米

景府祿白粳正米

福王府白粳正米俱見徵光祿寺白熟粳粳正
米改折每石銀壹兩府部院等衙門本色八
分糙粳正米每石銀柒錢分二年徵解犧牲
所粳稻穀每石銀陸錢甲丁二庫硃漆等料
南京四門倉糙粳正米全折每石銀五錢南
京光祿寺柴薪腳價銀協濟外府馬役銀俱

免徵五分俸五分供用庫本色蠟茶銀全停
四司料價見徵五分俸徵五分兵部備用馬
價革馬州料南京兵部馬價銀南京太僕寺
牧馬州場租銀南京鱈魚廠銀府庫鹽鈔銀
鎮江衛淺船料銀免七分本府大軍倉本色
米照運船數目減派修河一升米折銀匠班
扛解北京禮部藥材南京會同館馬價南京
焚苗茗帚密雲王莊固鎮三驛馬價本府炭
渚驛馬價俱全停工部歲造絲價銀見徵五

分俸徵五分是本院大造於兩府也再照蠲
停改折雖可以免一時之剝膚而輸發賑濟
尤所以救旦夕之生命故鈔關稅關并織造
事例贓罰稅契等項又不得不為懇留者也
等因到臣該臣看得

天災流行何時蔑有第以必不可災之地而適值
災不易救之時以必不可生之民而幸有更
生之會惟恃

皇上之恩澤大耳頃臣為吳民請命其鳧沒魚葬

獸攫之狀亦以為言之已悉矣詎意近日困
苦可憐之狀又非臣言之能悉者夫百川赴
海此建瓴之勢往時水漲十日不消為遲耳
今且五月而不退豈

天故欲沼吳而魚鱉之耶時當種麥何地可種是
不惟一秋無禾而且兩歲無麥矣始猶易器
具質衣履以延一日之生今釜無糜而析無
襦生妻去惟家抱破鏡之痛愛男易粟人鑿
掉臂之酬是昔固有家而無食今且無食而

并無家矣始斷產弱下戶朝不謀夕流徙逃
亡今舊積已盡新收絕望不唯貧者逃而富
者亦貧矣此誠江南二百年來未有之災說
者比舊歲

都門之水不知西北無萬之衆仰給于東南即
舊歲

都門告災人情皇急而東南之粟鱗次而進米
價轉平饑而不害故西北雖災不足憂也惟
東南災始為西北憂耳故今日東南之災臣

憂不在民而在

國憂不在荒而在亂憂不在東南而在西北今疆場多事

國計告匱加之東南水災轉輸何出此其可憂豈獨在東南臣惟是凜凜固已仰奉

皇上之德意凡開倉發賑廣儲拜盜通商平糶煮粥散米一切列為二十三款督責有司設誠而力行之苟可罄其心力臣何敢愛其髮膚以故災之初起姦民蠢蠢思動臣繞一繩而

四境即恬然安堵豈臣之法能捷於禁暴乎
此我良以吳民知

皇上視民如傷蠲賑必及類欲緩須臾之死以一
飽

德意耳故今災民嗷嗷企踵望

蠲望

賑不啻近日霖雨之望情第論民生於今日有必
不容不蠲之情論

國計於今日實有難盡蠲之勢臣展轉熟籌於

國計民情而求其休咎災傷分數而別其
等如蘇之崇明五分常之靖江六分鎮之丹
陽五分此其地勢或突出江海或錯帶山原
水落獨早可救其半其餘各州縣地形仰釜
水貯難消至今五月四顧陸海據該道申稱
今歲異常之災合屬之所同無參數之可別
如吳江崑山青浦寸地無青無論矣即他州
縣稍高之處緣堤一帶民殫力車庫僅存數
莖已駭視之為瑞州瓊芝在太倉長洲常熟

華亭宜興無錫不過萬分中之一耳吳縣嘉
定武進江陰不過千分中之一耳况東亭以
救於前得不償失補種以待於後憂其後時
安可以千萬中之一二而定其分數故兩道
勘報俱作十分也臣伏思

仁宗時詔免山東災傷租稅左右或言

恩詔宜有示明

上曰恤民宜過厚為天下主宰與民寸寸計較耶

祖宗厚澤深仁超出尋常萬萬今災民無慮數百萬日擁臣之門援引嘉靖七年事例如兗軍漕糧及南京各衛倉糧等項錢糧注祈全免伏乞

皇上俯念此邦之民非他邦比將前項錢糧破格蠲免此吳民再生之會固臣所禱祀而求者也倘勢難盡蠲合將吳江崑山青浦全蠲其太倉長洲常熟吳縣嘉定華亭宜興無錫武進江陰蠲其半而折其餘可也上海丹徒金壇勘

報八分之上亦屬重災全折可也
崇明丹陽靖江半折可也
至於白糧凡係各

王府及

內官監局皆

上供之需似難輕議而其餘係光祿寺與府部院
及南京光祿寺等項可議折也
京庫之布絹等銀可議停也
鹽鈔折布折州及

宗人府派剩米折之類可議免也
米折麥折及四司工料等項可以半徵半停者也
金花銀

見徵五分緩徵五分從前歷年拖欠者可盡免也未完

袍段可議暫停一年又不然如浙中事例分為六運可也南京倉糧未輸者尚三萬餘石留之以濟然眉之饑且為數不多可議蠲也至於存留

上有賜租之名而下不蒙寬恤之惠此項可免議蠲而三十五年以前未完可議停也各州縣遠年拖欠布疋可盡蠲也賑之一節咨開除

京邊正項准與動支該部寬恤之意溢於言表惟是年來民間之蓋藏已空有司之帑藏若洗

袍段設處矣急缺設處矣

大工之燒磚採木又設處矣有司且事事為無米之炊自正項之外又安有堪動者惟有留鈔關稅關并織造事例贓罰稅契等銀一年庶有實惠又苦不多倘邀

皇上如天之惠得比十七年事例再

須帑金

大加賑恤此

皇上之特恩吳民所以竭蹶而請企踵而望也再
照當此

國計匱乏之時計臣為

國焦勞寸心欲嘔臣豈不念此而為是不通達
之請但臣抱

國家根本之慮憂誠深心誠苦非敢假此市恩
百姓也無論其他目下先船將到災民皇皇

憂愁欲死數百萬之漕糧何所從出况旗軍
之臨倉備素有司之嚴限催徵恐脫巾與荷
鋤之費並發於一時雖藉

皇上之威靈或不致有他又何忍以二百餘年供
億勞苦之赤子而死于敲朴鋒鏑之下也倘
皇上俯念今日之灾非比尋常之災三吳之民不
比他方之民

大賜惻隱破格憐恤與之以一年之寬此非獨民
之利也與之以今日之生全正所以為後來

之供億此不過費

國家一年之蠲耳倘

皇上不蒙

賜蠲勢必至民且自蠲之獠瘠鹿挺何所不至萬
一地方不幸至此此固十年不能復也是十
年之蠲也况一日軍興之費且倍於一年之
蠲此其利害多少較若列眉天下之事多生
於所忽禍豈有象哉此臣有不通達之請臣
誠不得已也伏乞

皇上遠覽安危之機深求利害之故務以生全東
南者為安養西北之計

勅下戶部將臣

奏報冊款查照臣前奏各年蠲免事例應蠲者
亟蠲應折者亟折應停者亟停應賑者亟賑
將見忍死望德之災民果見

聖天子之軫惻江南而今日之民心自安後日之
供輸益力小民戴

天高地厚之德而

國家享泰山磐石之安矣其於民生
國計豈小補哉緣係災黎濱在阽危
聖慈已蒙

軫惻謹遵

明旨據實勘報懇乞

聖明大賜蠲賑以救孑遺以固

根本事理未敢擅便為此除應天等府近因按
臣物故勘災分數臣恐緩不及事除一面行
道查確另議外謹將蘇松常鎮四府應徵應

免應停應賑各項錢糧開坐具本專差

齋捧謹題請

旨

畿輔墊溺懇 賜蠲賑疏

為

畿輔墊溺已極據實勘報懇乞

聖恩大賜蠲賑以消隱憂以固

根本事臣頃奉

明旨及准部咨將蘇松常鎮四郡災傷覆勘明悉
分別開坐具

題外其應天徽寧等府聽按臣勘覆不意按臣
物故臣恐題覆後時倒懸難待隱憂可虞牌

行應天府及徽寧道各委正印官沿坵履畝
踏勘的確今據應天府署印府丞衛一鳳呈
稱奉臣牌行委各縣印官逐一沿坵履畝踏
勘前來尤恐不的又經行委介推官覆勘相
符高淳溧陽溧水各被災十分上元江寧江
浦六合各被災八分句容被災五分此據秋
災而報止此分數耳以夏災論則二麥腐爛
通無糶粒萬姓嗷嗷旦夕待死誠不能以分
數論者即今新舊錢糧萬萬不能完納伏乞

代為題

請必將一應舊逋盡行停緩應納新糧破格蠲豁
庶幾

國家根本重地賴以泰山磐石

留都百萬生靈不致盡填溝壑等因又據徽寧
兵備右叅政劉會呈稱奉臣憲牌督同各府
州縣掌印官遵照踏勘沿坵履畝覆覈再三
俱各明悉望江當塗蕪湖繁昌桐城宣城銅
陵貴池東流南陵懷寧歙縣俱被災十分太

湖宿松涇縣青陽建德潛山休寧各被災八
分祈門績溪黟縣寧國旌德太平廣德建平
各被災六分石埭婺源被災五分各州縣分
數據府縣勘明猶恐未的臣親由姑孰過金
陵沿江而下歷宛陵入新都往返千里無一
寧居之家經歷六郡盡是啼號之衆今歲災
傷自古無有必破格施賑而後絕粒傾盡之
家可以緩死須臾俾一時不盡為溝中之瘠
必竭停改折而後毋田壞園之家可以苟活

性命俾異日再為輸將孝順之民伏乞代為
題

請必將北漕南糧輕齎耗災重者蠲數蠲免稍
次者改折停徵見年錢糧請從停緩積逋久
欠一并蠲除仍乞

大發帑金賑救溝壑庶

陪京重地危而復安百萬生靈死而復活也各
。等因到臣該臣看得臣所轄凡十郡蘇松四
郡原係澤國厥災恒水應安六郡勢多環山

厥災恒陽不謂今歲三吳不天商羊為說不
惟江南澤國桑田變為滄溟即西鄆山城高
陵亦化為谿谷豈

天有意沼吳而故魚鼈之耶臣向所

奏聞在東郡得之目擊在西郡得之申詳耳近
復再加查勘始知西郡之災不減東郡臣不
敢毛舉以瀆

天聽姑舉一二可例其餘如高淳縣水勢驟來民
避不及或緣木顛或升屋脊已而樹拔屋傾

溺死甚衆知縣宋祖騰棹輕舸入洪濤赴之
魚鱉之中賴以全活者數千人究亦無歸散
處公署即今縣治之堂子婦島集趾駟相錯
又如桐城縣地方有父子兄弟一家八口登
屋避水不知蛇已先據其顛其一為蛇所噬
其七人慮其復至貫索相維冀以全力抗之
已而蛇怒并噬七人魚貫落水靡有一遺又
如歙縣靈山千仞萃葦干霄嶽麓週遭林總
如堵忽蛟蜃為祟倒峽排山將方長兒等家

五十七戶男婦不計姓名盡皆壓為山鬼獨
長兒年十四歲壓在溝內賴得覆有仆樹枝
穿出土面號叫得免知縣張濤登祀招魂痛
心酸鼻近對臣言猶涕泣滿面哽咽不能終
其說臣聞之不覺涕泗之橫流也即三事如
此他事之顛連可知三邑如此他邑之倒懸
可知蓋千里之內萬山之中無處不發蛟無
處不暴漲龍蛇交作民半魚鼈是洪水猛獸
合併為災以害人也民生不辰何當此慘禍

乎夫

天垂異地吐妖山崩水溢傷人民害禾稼春秋之
深憂洪範之大戒也況乎

金陵非他郡邑比

高皇帝定鼎於斯是

皇上之豐鎬也太矣諸郡襟帶長江擁護

陵京是

皇上之三輔也此必不可不救之地而有必不可
不救之災臣知

皇上惻怛軫念必不後於上年

都城之民矣是寧詎可以常格拘限哉惟是當
此必不可不救之災又值茲難議救之時獨
之一字臣誠難開口又不忍不開口以故萬
不得已為災民請旦夕之命據勘災之重者
如應天府之高淳溧陽溧水寧國府之宣城
南陵池州府之貴池東流銅陵太平府之當
塗蕪湖繁昌安慶府之望江桐城懷寧徽州
府之歙縣凡十五邑俱被災十分而就十分

中高淳望江當塗蕪湖銅陵桐城宣城為尤甚凡北漕南糧并輕齋腳價應從蠲免一切條編起存錢糧如四司料價備用馬價絹絲銀硃等項及歷年拖欠未完緊與停緩姑俟次年帶徵其餘溧陽等八縣南北漕糧等項錢糧量蠲五分餘五分仍賜改折見年條編起存錢糧見徵四分姑緩六分俟次年帶徵歷年逋稅俱從停緩上元六合江浦江寧涇縣青陽建德太湖宿松潛山休寧與十一縣

者據勘俱災八分况水浸之後又加亢旱凡
北漕南糧等項錢糧俱與改折每石五錢黑
豆每石三錢輕齎脚耗河工過江運軍行糧
等費盡與蠲免四司料銀夏麥秋糧江濟定
場崇積軍器戶口淺船生絲等項皆准半傳
來年帶辦如廣德績溪黟縣祈門寧國旌德
太平建平等州縣據勘報雖視各縣稍間惟
是舊年被水今歲復然如病再發實不能支
北漕南糧等項相應一體改折不則六分改

折四分緩徵可也又或如各州縣內原係永
折無從霑恩應量減折二錢并免脚耗可也
又或如各郡縣內原無北漕僅止南糧改折
霑恩不多如南京苧布協濟織造供應牲口
等項錢糧近如歙縣所請三十四年未解南
京軍米銀三十五六二年南京綵絹銀兩俱
為數不多應從留賑可也又如句容石埭藝
源今歲被災雖輕年來水旱相仍合無於句
容量留皇輓鋪墊貼價南京兵部馬銀二項

石埭量留南京定場州派剝太倉庫米折麥
折光祿寺廚料揚州倉麥折南京司苑局蓋
價六項婺源量留南京供用庫芝蔴協濟南
京機房織造京庫鹽鈔供應牲口四項銀數
亦俱不多惟是寬一分亦蒙一分之

賜也又各郡有未完三十五年南京倉糧實以上
年之災無米可解至於今日尤為無措或乞
一併改折既無虧於

國賦實有濟于民艱庶於改折之中又寓蠲免

之賜至於賑之一節民困已極帑藏空虛仍
請留各關稅銀及各府稅契贖緩事例凡可動之
銀幸

賜一羊通融均派各屬佐以倉穀俾得全活至於
大發帑金

破格賑恤此又

皇上非常之恩非臣所敢必也臣聞之治民者未
有事而恤之則消患於未形而為力易若事
至而後恤則救患於已成而為力難縱勉強

收拾而目前之費日後之憂將有不可勝言者往者劉汝國之變可為覆轍此其機甚隱其萌甚微非

皇上淵然深識廓然遠慮詎能燭機微於事先而潛消默拜之乎臣非不知循往例按故牘事易施行

恩亦易覲然而事迫勢危實非得已伏乞

皇上軫念

根本重地

勅下戶部將臣所

奏應蠲應折應停應賑

速賜施行豈特臣愚之幸

社稷生靈之幸也緣係

畿輔墊溺已極據實勘報懇乞

聖恩大賜蠲賑以消隱憂以固

根本事理未敢擅便為此理合開坐具本專差

齋捧謹題請

旨

江南疏稿卷之三

臨川周孔教明行父著

屬吏

祁承燦
陳以聞

全校

災民困極不堪加派疏

為災民困極不堪加派懇乞

聖慈俯賜寬恤以保孑遺事項准總河撫臣曹時
聘咨將有漕省直攤派銀二十萬兩督行徵
解以佐河工急用臣撫屬應天等十府州該
加派銀七萬三千七百四十七兩五錢移咨

到臣臣竊見黃河北徙運道梗阻上厯

聖明宵旰之憂

俯從河臣之請興工濬治臣誼切同舟自宜殫心
竭力委曲措處何敢自分畛域有所陳

瀆惟是應天等十府州係

皇上湯沐之地實

國家財賦之區幅員不能當天下之十三而賦
額幾當天下之十六頻年已來水旱相仍坐
派百出帑藏掇括既盡閭閻浚削又空民之

數徵補庶河工不悞災黎得生亦一舉兩全
之術也不然當此歲凶正供既不得免額外
又欲加徵臣恐星變見於金陵山裂見於京
口

天變民厄日甚一日此何時也尚可泄泄而不為
之深慮哉謹會同巡按御史楊廷筠冒懇於
皇上之前伏乞

勅下工部覆議

上請行臣等遵奉施行地方幸甚臣等幸甚無任

懇祈待

命之至緣係災民困極不堪加派懇乞

聖慈俯賜寬恤以保孑遺事理未敢擅便為此具

本專差

齋捧謹題請

旨

地方困極織造難支疏

為地方困敝已極織造繁苦難支懇乞

聖明俯賜矜恤以甦民困事臣惟三吳地方不能
當天下之十一賦役獨當天下之十七而織
造一項尤為最苦往時物力充盛僅能完辦
比來游被災荒閭閻懸罄饑寒之聲往往雜
杼柚之聲而出臣目擊心傷旦夕皇皇思求
蘇息無術只得據實

上聞以丐

聖明休息之仁也今該臣行據常鎮兵備帶管蘇
松兵備右叅政蔡獻臣查議呈稱蘇州府萬
曆三十三年派造

袍段六千一百九十九疋套會估工料解扛等項
銀一十六萬三千八百三十九兩零自本年
秋運起至三十五年秋運止織解過段二千
七百七十七疋套該料價等銀七萬六千五
百餘兩除留商稅一萬八千兩外餘少銀五
萬八千五百餘兩俱借戶部項下解京濟邊

緊要錢糧湊給未織五運該段三千四百二十
十二疋套該料價等銀八萬七千三百三十
九兩零除商稅等銀三萬六千兩外尚少銀
五萬一千三百三十九兩零并前借應補銀
計及十一萬兩先議留本府三十五六兩年
四司料銀抵給緣本部已留抵急缺不能移
彼充此繼議借應天府事例銀兩湊用雜蒙
本院咨部未奉明文反覆思維計無所出今
援舊例議留太平安慶池州三府三十六七

兩年四司等銀撥濟餘所少者仍留本府三十七八九年分四司料銀用以補還前借免完後運松江府亦于三十三年派造

袍段四千一百三十二疋套會估工料解杠等銀一十萬七千三百一十四兩零又萬曆九年奉派未完段一千二百四十一疋二十七年奉派未完段二百二十六疋套該料杠等銀四萬一千三百七十五兩連前共段五千五百九十九疋共該銀一十四萬八千六百八

十九兩零自三十四年春運起至三十五年
春運止織解過段一千八百六十六疋套又
見織本年秋運段六百二十二疋共該料枉
等銀六萬八千五百五兩零內除給過正支
三十三四五年分四司事例商稅協濟等銀
五萬三千六百八十一兩零又借折糧還官
等銀一萬七百一十三兩零仍欠給銀四千
一百一十兩零未織五運該段三千一百一
十一疋套仍該銀八萬兩有奇連前借支未

補共銀九萬七百一十三兩零止有放剩三十五年四司并稅銀共四萬四百六十四兩零尚少銀五萬二百四十九兩零無處及查三十六年本府四司料銀先奉文抵給三十二年坐派急缺段價之用今議留三十七八九年分本府四司料銀內支補支給為照蘇松二府彈丸之地賦額繁重姑不具論即如織造一節傳派不已繼以改造急缺不已繼以綾紗紅紗未完繼以只遜而機房供應等

項層出叠見歲歲不休今止查三十三年復
此項

袍段一項二府共該料杠等銀三十一萬二千五百餘兩分毫無正額分毫皆設處見今借支給織者皆戶部京邊正額催補急如星火未給未織者內監差人守催待料不啻然眉部文雖云三分出辦戶四工六出辦二分地方出辦一分但地方困竭已極無從搜括戶部邊儲迫促借支且猶不允何項議留工部只

有四司料銀見年者議留已盡所留者率皆
以後年分錢糧望梅畫餅難濟饑渴夫以浙
江全省物力尚不能辦三十八萬之料價而
欲責蘇松二府極凋極敝之物力辦三十一
萬之料價譬諸責庭羸之夫而負千斤之重
鮮不仆矣為今之計惟有懇祈本院或題

請停免或援照浙江事例題

請分減運期而已等因臣閱之不勝太息竊念織
造之為東南累也前此撫按諸臣屢疏言之

臣於入境之初亦首

請停免未蒙

皇上嘉納何敢再為塵

瀆惟是此時三吳片土已為脫毛之裘而公私拮
据又不啻捉襟露肘之譬矣即今庫藏之搜
括已盡閭閻之蓄積又空議借支既無可償
議扣留則又實無可留剜肉醫瘡之計已窮
而部文催督之期又迫則臣安忍坐視吳民
之困不為請旦夕之命哉臣頃閱邸報見浙

省撫臣題請寬運一疏蒙

特下工部覆議已得

俞旨此

皇上如天之仁越民不啻更生臣念吳民猶越民也况吳之蘇松二府幅員僅當兩越之一隅而坐派實當全越之出辦則今日吳民之窮困較越蓋數倍矣此莫非

朝廷赤子謂獨不得蒙

聖明如傷之視乎伏望

皇上特賜睿察念蘇松二府目前不支之苦將未
織五運

概賜停罷俟物力稍充另議織解以暫解東南倒
懸之厄倘謂本局缺乏數多必不可已照依
浙江事例將未完五運每年量寬一運照舊
春秋解

進議留二府各年四司料銀并太安池三府協
濟四司料銀俯從所

請有預奉文解部者許扣晉以後年分料銀抵補

總俟完日造冊送部開鎖則

上供既不致稱闕民窮亦得少蘇不然有司既無
神輸之術以應目前雖部臣日事催督臣等
日事敲朴勢亦必不能辦此而顛連無告之
吳民惟有轉盡于溝壑耳豈我

皇上痼瘵乃身保愛元元之意哉臣是以不避斧
鉞再干

天聽伏乞

勅下工部覆議

上請行臣遵奉施行緣係地方因敝已極織造繁
苦難支懇乞

聖明俯賜矜恤以甦民困事理未敢擅便為此具
本專差

齋捧謹題請

旨

停緩增派疏

為段疋增派數多料價萬分難措懇乞

聖慈暫從停緩以甦民困事據蘇松兵備兼糧儲
水利右叅政楊洵呈奉臣憲牌仰道即查蘇
松二府每年歲造段疋原有額編料價因何
節年未完坐派急缺段疋織抄綾紗只遜等
項錢糧作何議處有無足用何故不定新派
急缺段疋各屬俱已議詳惟蘇松二府屢次
行催未見議報是何緣故一併催查明白作

速具由通詳以憑施行等因奉此行據蘇松
二府備將歲造急缺段疋綾紗等項已未完
解數目并難完緣由開具冊揭申詳到道該
本道看得蘇松二府各年各項段疋除萬曆
二十年以前未完者俱係小民拖欠事經年
遠奉有

恩詔俱應豁免難以徵織姑無論矣查自萬曆二
十一年起至今止額派歲段疋綾紗只遞
及傳派急缺等項除織完解

進段足徵完給過料價外總計蘇州府借給未
補銀七萬八千三百五十六兩六錢六分零
各屬拖欠未解銀一十一萬七千九百六十
三兩四錢一分零未議無處銀一十七萬七
千一百五兩八錢八分零松江府各屬拖欠
及機戶領侵銀共一萬七千三百九兩七錢
五分零未議無處銀四萬一千八百三十四
兩八錢三分零內歲造一項雖有額派錢糧
而改造增添料價則又出於額派之外綾紗

只遜雖經詳允編銀有數而年久拖欠遂成積逋急缺料枉止有水衡二司料銀且係扣留隔府遠年協濟徒有空名無資實用不得已而議借然一經借支抵補無期其間機匠頡侵者徒煩追併終無完償故以前各年段足墮欠數多屢煩部檄督催至三十二年又派急缺蘇州府七千足該料枉銀陸萬餘兩松江府二千二百八十五足該料枉銀一萬五千餘兩舊派未完新派又至十年之內無

論歲造年年改織而綾紗只遜急缺屢經傳
派動費數萬蘇州又有補造白熟綾襖甲大
紅紗等項此等錢糧並無一毫正額有司維
欲竭蹶從事畢竟束手無策東南民力之屈
三吳杼柚之空業已耳熟無俟多言故欲勉

副

上供則民命奚堪欲仰控苦衷則部檄狎至兩府
計窮誠不知所出合無請乞酌量議處將二
府二十一年以後派織各段除已完儘解外

未完者俯從寬限其價值未補未給者設法
追徵補給其未議者具疏題

請暫行停免俾舊運清楚物力稍充然後再行派
織庶積逋可完民困可甦有司或可措手而
上供亦可無誤矣等因到臣該臣會同巡按直隸
監察御史楊廷筠議照各項段疋皆以備

上供賞賚之用自宜欽遵織解何敢置喙惟是蘇
松二府當此民力困敝之秋又值連歲災傷
之後公私並匱杼柚其空歲造改造價既倍

從而相懸急缺傳派動費數萬而難措舊冰
未了新派復來戶部之錢糧既不敢言借四
司之料價又不許稟留止存水衡二司又
題留已盡向使費止數萬缺止一年尚可勉強
支持乃今通計二府未補未議及各屬拖欠
等項銀共四十三萬二千五百七十餘兩缺
并段疋共一十二年數既不賞額無正供此
真所謂無米之炊巧婦不能之今歲災侵
二麥俱傷骨立之民救死且猶不贍豈能堪

此額外之供乎苟不據實

上聞不惟

歛限日逾臣等之罪無以自解竊恐良生日感徵
歛未減者暫從寬限未議無處者祈

懇停免誠憂深慮遠至於二十九年蘇州府坐派
限足原議全留該府及池太安三府各年四
司料銀撫按減罰以充料價之用松江府二
十三年坐派未完限足准留該府三十三年
四司料銀佐以事例以抵解扛之需此皆權

宜設處萬不得已頃蒙

皇恩減稅二萬三吳之黃童白叟莫不惟忻鼓舞
北向舉手加額祝額

皇上萬壽則知三吳之困救

皇上實憐之矣如果臣等所言不謬伏乞
勅下工部覆議

上請俯將蘇松二府各年歲造急缺等段已織者
准其截數解衣兼織者准其寬限議留四司
料銀等項准其留用其三十二年新派段疋

姑俟舊段織完再行區處照數完解庶累年
之逋負可以漸完積困之遺黎可以甦息矣
備行臣等遵奉施行緣係段疋增派數多料
價萬不難措懇乞

聖慈暫從停緩以甦民困事理未敢擅便為此具
本專差

齋捧謹題請

旨

推廣 節愛俯陳困罷疏

二為推廣

聖明節愛之仁俯陳東南困罷之狀懇乞

聖慈俯賜采納以昭

皇仁以甦積困事項准工部咨為遵奉

聖諭織造事該本部題覆內織染局題開織造
上用袍段一萬六千餘套疋又開

婚禮段九千六百餘疋奉

聖旨東南民力已竭佸部料銀又預借數多難已

摻括朕實軫念但未完及新奏袍段俱係進賜
急缺合用之需既說約費數十餘萬着仍分作
十運補織解進以寬民力昭朕節愛之意欽此
欽遵備咨前來隨經案行蘇松兵糧道轉行
該府即查議遵

旨今為十運織解應於何年起至何年止方完十
運每運該織解

袍段若干該工料銀兩若干逐一查明議妥具由
通詳以憑會

題去後今據蘇州府申稱三吳之苦織造也久矣而

袍服一項其最重且大者除歲造改造綾紗并坐
派急缺皮金只遜等項另詳外查得自萬曆
十年起至今歷奉傳織造

上用袍服內借支未補及未議料價總計一十二
萬近又新奉劄織約該三十餘萬數積至此
一無額派查得先年奉派雖無正項錢糧每
年工部料價尚有二萬五千兩戶部協濟本

府會計內歲有撥剩餘銀二三萬兩藉此餘
帑尚可支持積年以來地方迭變百姓多艱
會計之撥剩已裁矣戶部之幫助不允矣舊
織未完新織迭至帑藏如洗杆抽其空工部
料銀自三十四年并以前俱扣作急缺料價
尚不支其半則此項工料安能自天降從地
出也申乞特疏具

奏暫行停止以甦積困等因又據松江府申稱
本府自萬曆十年起至今傳造

袍服內借支未補與料價未議者總計七萬五千
餘兩新派織造又該一十一萬餘兩竟無正
抵隨查先年議留工部四司加以安太池三
府協濟猶然不給議及戶部米折布折等項
工部匠班魚課軍器箭枝尚有未補未議之
數留遺今日戶部既禁借支工部軍器箭枝
又派本色僅僅匠班魚課歲額不過千餘且
急缺取之此歲造加增取之此

袍服復取之此涓滴而救滔天顆粒而供萬哺其

勢萬萬不能則此新派工料將安所出惟有
苦懇暫行停止而已等因各申到臣據此該

臣會同巡按直隸監察御史馬從聘恭照

皇上俯念時艱勤恤民隱前項未完及新奏

袍段荷蒙

聖恩寬恤分爲十運織解所以憫民窮而昭節愛
者至矣臣等自宜肅持之不暇安敢復有所

陳

瀆惟是東南之災傷相仍閭閻之財力已竭顧一

袍服之造動費巨百萬毋論遠者即二十七年之
派織分為十運計今秋始完而新奉傳造復
爾不賞欲督責於有司所謂無米之炊雖巧
不能歆責輸於閭閻所謂竭澤之漁實且難
繼向使尚衣果乏即民窮到骨計且為之臣
竊睹

皇上天性節儉有古聖敕衣浣濯之風計三服官
之所輸藏者充物在苟未必缺乏可無大自
減損以救民困乎夫一

袍服之成非是容易千絲萬縷皆剝民膚髓而成之

陛下祇見綺繡輝煌快心娛目至於三吳之民肝腦屠於鞭韉筋骨折于轉輸流離破產鬻賣男女自經之狀

陛下必有不可得見者

陛下慈仁超邁千古柰何以元元筋骨之所成有司鞭韉之所得者積之為陳朽之物乎

陛下試一思之當必惻然動念者矣方今宇內無

大兵而民命盡無大役而國用空此其故可
以思矣可以懼矣自古大亂之起必由盜賊
盜賊之起必由民窮况

國家財賦倚辦東南此

根本重地所宜加意愛惜者今有司迫於程限
百計摻括足襟露肘窮巷艱難袒裼鵝衣可
哀可憐萬一浚削太甚窮民攘臂而起奸雄
乘之所至嚮應此關係安危不小

陛下宜深思熟慮勿以為細事而忽之也昔唐玄

宗令益州織半臂背子琵琶鉾撥鏤骨合子
等蘇頲不奉詔書輒自停織玄宗不加罪忻
然嘉納古今以為美譚

陛下聖德遠陋玄宗臣等菲劣俯慚蘇頲懼是一
念朴忠不得不哀鳴于

皇上之前伏乞

俯賜採納將新派

袍段二萬五千六百餘疋套

勅下工部覆議

上請暫從停緩俟舊逋已償物力稍充然後筭派
織造分運起解庶

上示寬恤之仁下免捐瘠之苦所以保
皇圖而培

國本者非淺鮮矣緣係推廣

聖明節愛之仁俯陳東南困罷之狀懇乞
聖慈俯賜採納以昭

皇仁以甦積困事理未敢擅便為此具本專差

齋捧謹題請

音

宜從民便以昭節愛疏

二為織造舊有成規更張宜從民便懇乞

聖明俯賜採納以完

上供以昭節愛事臣竊惟東南杼柚供

天府之需舊矣歲供不闕夙有成規督造責之司

府辨驗委之按臣沿行以來上下俱便近因

該庫題改太監魯保兼管督織無亦以通來

逋負數多畝令催督解

進毋後時耳不知法非仍舊則議論滋多事當

創始則規制宜定近據魯保手本及各府文
移紛紛往來議論不一各執異同之見遂成
道傍之謀語多煩碎不敢瑣瀆

天聽大都初據魯保既欲解銀又欲解機戶在有
司則謂銀可起解機戶實不願解蓋解銀雖
有羨餘秤兌之苦苦在有司解機戶則有跋
涉拘繫之苦苦在機戶近據魯保手本已准
應天府解銀自織免解機戶矣乃于蘇州府
則又令該府召織但只解銀夫既自府織銀

自府給豈不良便乃該監又欲解銀無論解而復領領而復給道路如織何不憚煩且使放銀者而不問織造之事織造者而不知給價之事中多不妥實為難行此有司有詞相持不決擔延至今該臣會同巡按直隸監察御史曹楷馬從聘反覆思維欲於兩議相持之中求為歸一至當之策倘果以解銀為便如魯保近從應天府之請銀自該監給段自該監織異日段成之精否解

進之收否該監獨操其權獨任其責而有司不
與焉誠為簡便善事若謂蘇松額有局匠難
照應天府例聽令該府自織段成報監查解
以毋失其督理之權亦無不可若謂

專勅督理權當總攬即如內臣孫隆亦奉

專勅督理者每歲段自該監織造工完令機戶赴

府領價沿行已久相安無事此又良規可循

各府稱便者也至於羨餘枉解須酌議成數
務從寬恤庶省一分民受一分之賜此又督

保推廣

皇上節愛德意為三吳造福此三吳所禱祀而求者也若夫應天府坐派急缺段五千疋先估合用料價鋪墊等銀共三萬八千九百八十餘兩後因魯保議增羨餘計無所出欲議加派民窮如此其何忍言欲撙庫藏隨處懸罄萬無可議惟有議留料價而已既經各府具詳前來應合具

題伏乞

勅下工部覆議

上請俯待應天府坐派急缺段五千疋合用價杠
鋪墊等銀三萬八千九百八十八兩一錢六
分九厘八毫七絲三忽九微准留本府三十
一二三年分解存及各縣未解四司料價銀
及三十四年分營虞都三司料價銀湊解該
監給織起解倘有贏餘仍舊解部其餘各府
急缺歲造段疋如解銀赴監則織務全歸魯
保一切料取惟以工部法馬為準段成解

進該監自有專責不得累及有司如不解銀赴
監則督織仍屬有司查驗起解務從體恤嚴
禁參隨勒捐以甦民困庶

上供不誤下民獲安所以昭節儉而溥

皇仁者在此舉矣緣係織造舊有成規更張宜從
民便懇乞

聖明俯賜採納以完

上供以昭節愛事理未敢擅便為此具本專差

齋捧謹題請

江南源稿

二八

卷三

音

運期迫促地方疲竭懇祈寬恤疏

為

袍段運期迫促地方疲竭難處懇祈

聖恩亟霽

綸音以恤民窮事臣先因蘇松二府織造煩苦物力不支援照浙江事例具疏懇

請乞將未完伍運每年量寬壹運照舊春秋解

進仰冀

皇上一視之仁必將以仁越之民者仁吳臣自宜

恭候

溫綸安敢復有所陳

濟惟是今年春運屆期而督織內臣未奉命運
俞旨絡繹督催

欽限勢迫於然眉地方苦至於竭髓節據蘇松江兵
備副使李石諫蘇州府知府趙世祿松江府
知府蔡增譽屢次具文為民請命字字可泣
臣是以不憚煩數再瀆

天聽伏乞

軫念三吳賦役之重地方織造之苦檢臣原疏
至勅工部覆議

上請將未完伍運或

俯賜暫停或照浙江事例減分伍運織解其議留
二府各年四司料銀并太安池三府協濟四
司料銀悉如所請行臣遵奉施行庶

明旨早頒一日則地方早受一日之寬不惟民力
可紓而

上供亦不至於違誤矣緣係

袍段運期迫促地方疲竭難處懇祈

聖恩亟霽

綸音以愜民窮事理未敢擅便為此具本專差

齋捧謹題請

旨